



JOACHIM REINELT
BISCHOF VON DRESDEN-MEISSEN

Lube sotry a lubi bratřa,

adwentnu njedźelu Gaudete smy z wěstosću zhonili, zo budže naš měšnik Alojs Andricki zbóžnoprajeny.

Sym přewšo džakowny wšitkim, kotřiž su za to žiwi byli, so modlili a džěłali, a tež swjatemu wótcej bamžej Benediktej XVI., kotryž našej cyrkwi Drježdžansko-Mišnjanskeho biskopstwa přichodneho zbóžneho jako přikład a posřednika doporuča.

Přeprošuju Was wšitkich na wulku swjatočnosć zbóžnoprajenja swjatki pónđzelu, 13. junija 2011, před Drježdžanskej katedralu. Přihotujće so we wosadach na tónle džeń z tym, zo sej wosobinu Alojsa Andrickeho zbliziće a swoje z křćeńcu nabyte powołanje k swjatosći chutnje bjerjeće! Zarjadujće so do přihotow na tónle wulki swjedžeń biskopstwa, na kotrymž ma po eucharistiskej Božej službje tež nadosć móžnosće k mjezsobnemu zetkanju być!

Hižo 5. februara chcemy w Drježdžanach wědomje do zjawnosće hić, hdyž so popjelnicy třoch měšnikow-martrarjow Alojsa Andrickeho, Bernharda Wenscha a Aloysa Scholzy swjatočnje wot něhdyšeho policajskeho jastwa na Schießgasse, „wot městna poniženja“, ke katedrali, „městnu powyšjenja“, přenjesu. Tež k tutomu Was wšitkich cyle wutrobnje přeprošuju a zwjeselu so wosebje, hdyž pónđže wjele ministrantow ze swěčku w ruce sobu w procesionje. Procesion zahaji so w 11 hodžinach před policajskim prezidijom na Schießgasse.

Z próstwu wo bohate Bože žohnowanje w tymle wurjadnym lěće 2011,

Waš

Biskop Drježdžansko-Mišnjanski